

Aaale Zeiten-neue Zeiten !

De Menschen stamm vunn Oaffn oab, und moanche o vu Adam und Evan!

De een hoan gelarnt,-- wenn se vill oarbeeten, kumm se zu woas.

De annern hoan gelarnt,-- wenn se vill bescheissen, kumm se zu vill miehre-
oak ne su lange.

War vill hoat, koann vill verliern,-- war nischt hoat, is aber o ne glicklich,
weil ar no suchn muß, doas ar doas findt, woas de annern schun hoan.

Eegntlich hätt mer uff unsen Beem sitzen bleib sulln.

Irgend ees hoatt doas vermurks, und aus dan Oaffen is anne ganz schlaichte Mutation
gewurn. Die hoan se Menschen geheessen.

Die hoan nu foast kee Fell mieh, kenn ne gut renn, ne gutt richn, o ne gutt sahn,
ne weit schwimm , und o ne huuch huppn-
zu woas sein denn die überhaupt do?

Doas hoan se o ne gewusst!

Weil se aber ne glei verreckt sein, do mußtn se irscht amo Feuer machen.

Derno hoan se sich Pfeil und Bogen gebaut, dermit seo woas zwischen de Beißer bekoam
und das Feuer ne oack zun wärm do waor.

De Manner ging nu uff den Joit und de Weiber kimmerten sich im de Kinner und `s
Gemiese.

Su ging doas lange, siere lange. De gescheuten Leute soin ,doas doas mindestens, wenn
ne nuch länger gedauert hut.

Mir hoan ja keene Vurstellung dervone.

Fer uns is ju schun lange, wenn dr Kellner ne glei mit an Biere kimmt, wenn mer Durscht
hoan.

Woas mer a dr goanz aaaln Zeit gutt gefoalln tut , is:

die kunnt sich lieben, woann se wullten. Do woar nischt mit Migräne und Streß.

Do toat er schnupfern und sie o a bissel, dann wurd rimgeknuscht und dann gings zur
Sache.

Amo vu hinten und amo vu vurne. -- Und amo loag er ubm und amo sie. Hauptsache,
doas machte Spoaß und die beede quietschten vor Freede!

Mach doas amo heute: an Büro oder dr Neubauwohnug.

Bei an Quietscher oder Briller huln se ju gleich de Polizei.

Und die hoan frieher o vill miehre gesungen. Es goab ju bis zum ersten Weltkrieg, vur su
hundert Juhn, goar kee Radiokastl, oder andern neumodschn Kroam.

Dr oalle Goethe hoat amo gesoit, doas immer mieher moderne Technik derfunden wird,
aber de Menschen hoann vill winger Zeit.

Die Zeit-erspaoarnis verliern se heute vur de Flimmerkiste oder gien Assn,

- weil sn derheeme allene ne schmackt, oder –
- se hoan sich oalleene derheeme nischte zu soin.

Hoabt ihr schun amo probiert: eene Wuche kee Farnsehn, kee Radio und kee Tonband
und o ne eene CD?

Woas ihr fer Zeit hoat. Do kinnt ar o amo zun Nubber giehn.

Frieher, do misst´r Kohl und Hulz schleppn. Doas ihsch woarm hoat a dr Bude.

Heute dräht ihr oack de Heezung uff und fertig.

Bernd K. Hauser

Spielmoaschiene fürsich Geschirr und Woaschmoaschine fer de Klamotten breng o an
Haufen Zeitgewinn.

Und irscht de Autos. Kee Mensch leeft mieh.

S froit o kenner, wos doas kust. --- Nee,--- oalle mach mer mit!

Und do derfür tu mer nu de freie Zeit a de Oarbeit stecken, dermit mer uns Sachen
keefen kinn, die uns Zeit eispoarn halfen .

Is doas ne wirklich verrickt1!

Dr Oaffe hoat oack gefrassen, geschloafen , gejoit und „gbumst“.

O anne Hucke Kinner woar immer hinne. Die wurd o gruuß, ohne Geld und dan
modernen Mist, dan se o heute goar ne brauchn.

Die larntn beizeitn-- vunn Aaaln -- oalles , woas se fersch Oaffnlabm brauchtn:

Woa se frassen kinn und o woas se ne machen sulln.

Und moanchml goabs o a poar Hurbln hinder de Uhrn.

Do woarn se oalle glicklick! Und die sein o siehre aalt gewurn!

Mir: -- roammeln und roammeln und giehn zun Dukter.

Oack , woas hilft dar ganze Mist, wenn de ne zefrieden bist.

Spurt machst de bald goar ne mieh, wackelst oack no mit ann Zieh!

Do musst de dir de Zeit oabknopsten,
damit de koannst ann Fitness hopsen!

Aber ees doas musste machen,

Wieder amo harzlich lachn.

Doas hoan de Oaffn schun gemacht!

Hoat sich no kenner tutgelacht!